



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Titvlvs IX. De Feriis.

[urn:nbn:de:hbz:466:1-62587](#)

tur ex cap. Tum ex literis s. in fine, de in integr. refit. Imò Gail. l. i. obseru. 51. monet, in quibusdam tribunalibus id ferme ordinarium esse, ut citationes fiant ad totam causam, dato tamen temporis intervallo, quod sufficiat ad deliberandum, & causam instruendum, si ex loco remoto peremptoriè aliquis vocetur iuxta c. 1. b. 3.

2. Nota II. Si dilatio peremptoria ob superveniens impedimentum non fuit sufficiens, dari potest noua dilatio, ita etiam suprà in c. 2. Not. 2.

Quæritur I. Quid sibi velit, quod procuratorum mandatum datum sit saluis exceptionibus? Resp. Referendum id esse potissimum ad exceptiones dilatarias, ne enim Archiepiscopus videretur mandasse Procu-

ratori, ut super causa principali responderet, protestatus est, exceptiones omnes etiam dilatarias salvas sibi manere.

Quæritur 2. Quid sibi velit, quod Procurator dixit Archiepiscopum pro absente reputandum fuisse, & revocandi domum priuilegium habuisse? Resp. Id solùm dicere voluisse, quod præsentia, quam pro publica necessitate Romæ exhibuit, ei damno esse non debeat, ut ibi respondere teneatur non instructus, id eoque perinde censendum esse, ac si Romæ nunquam fuisset. Ceterum cum ratione sue profectionis impeditus fuerit, quod minus causam adeò arduam instruere potuerit, idem nouam ei dilationem necessariò tribuendam esse, quod & Pontifex justum esse decreuit.

TITULVS IX. DE FERIIS.

FERIAE à dilationibus, de quibus præced, tit. differunt 1. Quia dilatationes dantur ob cōmodum, & plerumque etiā ad instantiam partium, ut se ad litem instruere possint. Feriae autem legibus institutæ sunt, potissimum ob publicum bonum, vel Dei honorem. 2. Dilatationes dantur secundum exigentiam causæ plerumque judicis arbitrio, sed feriae definitæ ac stabiles sunt, nihilominus & ipsæ feriae dilationes quædam judiciorum sunt, ut propter hanc genericam convenientiam, hi tituli non incongruè coniungantur, uti ex l. i. ff. Vide est, titulus *De Feriis & Dilationibus*.

CAPITVLVM I.

Omnès.

Dies Dominica omni cum Veneratione seruari debet, à Vespera ad Vesperam, ita ut non licet mercatum aut judicium instituere, vel aliquem condemnare, aut iuramentum præstare, nisi pro pace, aut alia necessitate.

Quod h̄c dicitur de obseruatione Dominicæ & Festorum à Vespera ad Vesperam, id accipi debet secundum consuetudinem quarundam prouinciarum; at verò spe &ato Communi Ecclesiastico jure, cuiuslibet festi obseruatio est à media nocte, usque ad alterius noctis medium. De Mercatu diebus festis non instituendo, & non agitandis litibus judicialibus, egi codem tract. 7. cap. 2. assert. 8. & 9. vbi etiam dixi. n. 8. limit. 4. Non omnia juramenta die festo prohiberi, v. g. quæ fiunt in inauguratione Doctoris, pro Confirmatione contractū, sed tantum judicialia, quamvis & hæc non minus quam alij judiciales actus propter necessitatem aut pietatem permittuntur. c. vlt. h. t. Videatur *Tangredus* l. 2. c. 19.

CAPITVLUM II.

Quoniam.

Tria h̄c dicit Alex. III. Primū. Licet Ju-
dæi Sabbata celebrarint à Vespera usq; ad Vesperā, tamen Christiani in festis suis in-
choan-

choandis, & finiendis attendere debent partim ad qualitatem festi (quia vt Ioan. Andreas hic explicat, quæ maiora festa sunt, vt Paschatis, Pente costes &c. citius inchoantur, & tardiùs finiuntur) partim vero ad consuetudinem locorum. 2. In diebus Dominicis, atque inter pascha & pentecosten genuum flexio fieri non debet in publicis orationibus, domia autem sine in decreto genua flecti ex devotione nihil prohibet. Dein in consecrationibus Episcoporum, & Ordinationibus Clericorum, Consecrans & consecratus, Ordinans & ordinatus, secundum quod Ecclesiasticus ritus postulat, genua flectunt. 3. Festivitas SS. Trinitatis in quibusdam Regionibus celebratur in Octava Pentecostes, in quibusdam autem in Prima Dominica ante Adventum Domini, sed Romana Ecclesia pro veneratione eius festivitas, diem specialem non instituit, cum omnibus diebus SS. Trinitatis mysterium venerari soleat, peculiariter id agit diebus Dominicis, ut ex officiis Ecclesiasticis liquet, & obseruauit Micrologus de Ecclesiasticis obseru. 10. Suar. l. 2. De Festis. c. 4. n. 16. Postea vero Ioannes XXII. SS. Trinitatis festum à Romana etiam Ecclesia in propria Dominica, que est proxima post Pentecosten peculiariter ab omnibus coli præcepit, ut testatur Suarez n. 17. Silvest. verb. Dominicæ. q. 1. Diæt. 7.

CAPITVLVM III.

Licet.

PARAPHRASIS.

Alexander III. scribens ad Archiepiscopum Triburiensem permittit eius Diccesanis, si halecia (quod genus piscium raro, & non nisi certis diebus comparret) terræ se applicare videatur, etiam in Dominicis & aliis festis, exceptis solemnioribus, capere liceat, ita tamen, ut adacentibus Ecclesiis atq; pauperibus Christianis portio aliqua capturæ tribuatur.

SUMMARIUM.

- Notoria necessitatis causa per se quidem

exensat à publica etiam festi obseruatione; si frequenter ramen ea recurrit, decens est, ut petatur dispensatio.

Nota I. Piscatio si cum multi operis labore institui debet, opera inter seruilia, & festo die prohibita numeratur.

Nota II. Licet causa necessitatis notoria per se excusationem præbeat circa festi obseruationem, tamen si excusatio seu impedimentum non pro vnâ vice occurrat, sed frequenter aut ordinariè, tum decens & consuetum est, ut dispensatio petatur, uti hic patet. Eodem modo agricolæ, si propter superventuram pluviam ruri laborare velint, prius ab Ordinario v. g. Parocho licentiam petunt, ac veluti dispensatio est.

Nota III. Prælatus in l. v. g. obserua-
tionis festorum aut jejunii dispensans, aliquid per modum eleemosynæ pauperibus aut Ecclesiis applicandæ imperare potest,

CAPITVLVM IV.

Capellanus.

Circa tempus feriarum, quibus solemnæ nuptiæ in Ecclesia fieri prohibitur, variæ fuerunt disputationes & locorum consuetudines, nunc autem obseruari debet, quod in Concil. Tridentino decretum est, Sess. 24. c. 10. De Reform.

CAPITVLVM VLT.

Conquestus.

PARAPHRASIS.

Tametsi lites & judicia non protrahi, sed expediri magis deceat, nilominus judiciarius processus cessare debet festis ijs diebus, quos vel Ecclesia universalis in Dei & Sanctorum honorem obseruari præcipit, vel Episcopi singuli cum Clero ac populo constituerunt, & adeò quidem his diebus (nisi necessitas urgeat, vel pietas suadeat) cessandum est à judiciis, ut ne consentientibus quidem partibus judiciarius processus subsistere, aut sententia

tia promulgari validè possit. Cæterùm iis feriatis diebus, qui ob hominum necessitates, gratiâ messium aut vindemiarum indulgentur, cum partium consensu judicia institui nihil prohibet.

S V M M A R I V M .

1. Non debent exerceri actus judiciales diebus Festis in honorem Dei & Sanctorum institutis.
2. Poteſt tamen die festo fieri libelli oblatio; & à judge ex Officio contra ſuſpetum inquisitio.
3. Citatio verò neceſſe die festo, nec ad diem festum decerni poſteſt, ut eo die compareat citatus, quamvis die Festo fieri poſſit intimatio citationis.
4. Testes examinari, & audiri poſſunt etiam in die festo, modò præcedente die non festo juramentum deponorine, licet conformiori juri ſit contraria ſententia.
5. Captura die festo fieri non poſteſt, niſi periculum in mora ſit, aut grauiſſis criminis reus ſit capiendus.
6. Probabilius etiam eſt, quod execuſio ſententia judicialis die festo fieri non poſteſt.
7. Nec Arbitr̄ Inris procedere poſteſt die festo, poſteſt tamen Arbitrator.
8. Concessum eſt diebus festis non tantum aetus voluntaria jurisdictionis exercere, ſed etiam appellare & censuram infligere.
9. Feriis politicis ordinariis poſſunt partes ad judicium agendum validè renuntiare tam expreſſe quam tacite, quamvis cogi ad renuntiandum nemo poſſit niſi neceſſitas poſtuleat, qua minor in his Feriis politicis requiritur, quam in Sacris.

Nota I. Diebus festis ob honorem Dei aut Sanctorum institutis aetus judiciales exerceri non debent, ita habetur h̄c, & inc. 1. h. t. l. Omnes. vlt. C. de Feriis. l. penult. ff. codem, videatur Suar. l. 2. De festis. 6. 29.

2 Quæritur 1. Utrum libellus offerri in ju-

dicio poſſit die festo. 12. Affirmatiū. Cum Bart. l. Miles. §. 60. ff. ad legem Iuliam. de adulteriis. Nam libelli oblatio non eſt aetus judicialis, judicium enim incipit à citatione, at verò libelli oblatio antecedit citationem; idēmque eādem ratione dicendum de inquisitione, quam judge ex officio facit, antequam reum ſuſpetum citat, aut incarcerated, quod festo die eam inſtituere poſſit, teſte Tusco. n. 10.

Quæritur 2. Utrum citatio à judge die festo promanare poſſit. Affirmat Gaius. l. 1. Obſeru. 53. n. 5. Vbi ait, magis communiter receptum eſſe, quod citatio decerni poſſit die feriatā ad non feriatam, quia eſt aetus extra judicialis, idēque domi fieri poſteſt, nihilominus ſpectato jure, vera & communis ſententia eſt contraria apud Panorm. h̄c. n. 2. Imola n. 12. Negari enim non poſteſt, citationem eſſe auctum judicialem, cum ſit fundamentum proceſſus judicialij, atque eo occuperetur judge p̄milla aliquā cognitione cauſe non quidem inter partes facienda, ut pro tribunali ſedere debeat, ſed intra ſe. Intimatio verò citationis per num- tium ſeu oblatio citatorij fieri poſteſt festo die, cum iſte aetus judicialis non ſit, quia etiam extra territorium fieri poſteſt. De eo etiam dubitant Authores, an valeat citatio decreta ad diem feriatam, videlicet, compareat ad diem 19. Martij, quam eo anno feriatam eſſe contingat. Multi Canonistæ affirmant, ut videre eſt apud Ioan. Andr. h̄c num. 2. Suar. 6. 30. n. 13. quia intelligi debet citatorium, ut citatus uſque ad terminum ſeu finem eius diei in loco præſens eſſe debeat, idēque altero die illuſcentie respondere in judicio paratus. Arg. c. Cum dilecti. 7. de dolo. Si verò citatio ita facta ſit, ut in die feriata, horā v. g. septimā, in confitorio ſe firat citatus, irrita erit; ad cautelam verò ſupra dixi, quod judges ſolent diem mensis definire, aut diem v. g. trigesimum numerandum à die in quo citatio præſentata fuit, hoc adjecto, ut ſi is feriatus ſit, proximo die non feriato firat ſe debeat citatus.

Quæ-

3 Quæritur 3. An examinatio testium die festo fieri possit? plerique affirmant, si antea videlicet die præcedente non feriatâ juramentum præstiterunt. Ita Speculator l. 2. p. 1. h. t. §. 2. Ioh. Andr. c. 1. n. 4. Panorm. ibid. n. 9. h. t. quia non est actus judicialis, cum per quemlibet ad id deputatum atque in loco priuato, seu non publici judicii fieri possit, & est sententia probabilis, & tuta in praxi, sed spectato jure, magis placet, ut dicamus, depositiones testium in die festo irritas esse, ut docet Suarez cit. cap. 30. n. 7. Anton. apud Panorm. loc. cit. arg. l. vlt. Cod. h. t. ibi: ne nulla quempiam urgeat admonitio: Ex quo colligunt DD. apud Panorm. quod testis in die festo cogi non possit ad respondendum: sed cur, nisi quia judex non juridicè interrogat, seu jus interrogandi hoc die non habet. Ad argumentum contrarium. Resp. Examinationem ac depositionem testium ante juratorum non esse actum judiciale stricte loquendo, etiam causæ cognitionem non requirat, esse tamen latè loquendo, tum quia procedere debet à judicaria potestate, tum quia plurimum inferuit ad judicarium processum & sententiam. Excipe nisi periculum in mora sit, quia testis postea examinari non poterit, si discessurus aut in periculo mortis constitutus sit. v. g. Tempore pestis, tum in festo die etiam exacto juramento examinari potest, ut docet Speculator cit. §. 2.n.6.

4 Quæritur 4. Vtrum capture seu carceratio festo die fieri possit. Resp. Negativè, ex Communi apud Farinac. in praxi l. 1. t. 4. q. 27. n. 107. argum. l. vlt. Cod. h. t. Excipe nisi periculum in mora sit, quia Reus debiti Ciuilis, vel Reus criminis defuga suspectus sit, ut tradit idem Farinac. num. 107. & 109. Addens Reum Criminis grauis seu enormis, festo die indifferenter capi posse. Arg. l. 3. Cod. De Episcopali Audient. & l. Actus & C. h. t. Vbi dicitur latrones die festo tormentis subijci posse, & gloss. 16. addit, tales facinorosos & valde noxios Reipublicæ, die Dominico aut fe-

sto etiam morte puniri posse. Verum tantam licentiam erga facinorosos jure canonico, quod in hac re utpote Ecclesiastica magis sequi oportet, non invenio concessam, sed potius prohibitum, ne quis in diebus sacris vel festis ad mortem vel pena judicetur. cap. 1. h. t. Neque excipitur aliud, nisi pietatis aut necessitatis causa aliud exigat, ergo hac cœsate, & si tortura aut supplicium in alium diem commode differri queat, non erunt licita in die festo.

Quæritur 5. An executio sententie judicialis die festo fieri possit. Affirmat Panorm. cap. 1. n. 22. de judiciis, saltem validè fieri posse, cum non sit actus judicialis requirens causæ cognitionem, imò Fridericus de Sen. & alij apud Tuscum cit. Conclus. 100. n. 6. absolute aiunt mera sententie executionem festo die concessam esse. Sed contrarium, spectato jure, est probabilius, imò verò expressum in cit. l. vlt. ut bene monet Suarez. cap. 30. n. 11. Farinac. cit. quæst. 27. n. 107. ubi ait: Pium V. pro urbe hanc sententiam approbasse.

Quæritur 6. De Arbitris, num festo die procedere possint. Respondent ex communi. Abbas hic n. 10. Molina tract. 5. de Just. Suarez. cit. cap. 3. n. 15. Ex l. Omnes. 7. Cod. h. t. Quod arbiter Juris procedere non possit, cum judicarium Ordinem seruare teneatur, sed Arbitrator & Compositor partium, omni die cognoscere & arbitrium dicere potest. Porro voluntariè jurisdictionis actus non prohibentur die festo, tales sunt dispensare, absoluere, contractum approbare, ætatis veniam dare, pupillo tutorum designare, Magistrum creare, emancipare, adoptare, instrumenta confidere, consignare, ut docent DD. in cit. l. Actus. Videatur lex 29. ff. h. t. Sed & appellare die festo concessum est, et si appellationem persequi tunc non licet, uti docent DD. in l. 1. C. h. t. gloss. hic & Panorm. n. 13. Tuscus n. 10. Quia vox prouocantis non est actus judicialis, sed magis recessus à judicio ob necessitatem defensionem permissus, deinde est communior DD. sententia, quod Excommunicatio & aliæ censuræ festo die

validè infligi queant, apud Panorm. h.c.n. 17.
Suar. cit. 8. 30. n. 9. Tusc. n. 4. Quia ferre cen-
suram contra contumaces potius ad legisla-
tionem aut precepti impositionem, quam ad
judicarium strepitum spectat. Ceterum si
vocatis partibus à judice cognoscendum,
ac declarandum sit, num aliquis in excom-
municationem lapsus fuerit, festo die id fieri
non potest, nisi causa necessitatis, pietatis,
aut Religionis urgeat.

9. Nota II. Præter ferias ad cultum Dei
institutas, aliæ sunt feriae politicae, & harum
quædam solemnes, seu quotannis recurren-
tes, ut quæ olim in die Natalis Principis in-
stituebantur l. vlt. C.h.t. quædam verò rusticæ,
quæ ob ruris laborantium fauorem tem-
pore messis aut vindemiarum obseruantur
l. Omnes. C. eod. & hæ feriae id proprium ha-
bent, quod partes jis expresse aut tacite re-
nuntiare possint seu consentire, ut judicium
agatur his feriis, quippe cum principaliter
ob eorum fauorem introductæ sint, quam-
obrem l. i. *De feriis*, non absolute prohiben-
tur judicia tempore messis aut vindemiarum;
sed ne quis adversarium cogat ad judi-
cium venire, alioquin acta judicialia irrita-
sint. l. Si feriatis. 6. ff. eod. Nisi necessitas
cogat, ut quia res tempore aut morte peritura
est, aut actionem vel litis instantiam per-
emptura. cit. l. i. & 3. ff. eod. & verò in his ru-

sticis feriis minor necessitas requiritur, ut
partes ad judiciū compellantur, quam in a-
liis feriis, præsertim sacris, arg. l. publicas, s. C.
eod. vbi dicitur publicas & fiscæ causas in
feriis messium & vindemiarum agitati pos-
se, vbi gl. monet non idem quoque locum
habere in feriis sacris, nisi necessitas vel pie-
tas speciatim exigere videatur. Id verò ad-
dendum, tametsi partes consentiant litigare
in feriis rusticis, tamen judex non tenetur il-
lis ius dicere, nisi necessitas urgeat, quia fe-
riæ hæ etiam in iudicis gratiâ institutæ sunt,
sed neque testes compelli possunt ad veni-
endum & testandum, teste gl. in cit. l. Omnes.
6. ff. *De Fer. Abbas* hic. n. 13. nam res inter
alios acta (videlicet litigantes) aliis non pre-
judicat. Est & aliud genus feriarum politi-
carum, quæ dici solent *feria repentina* ob
Principis v. g. adventum, Regiæ prolis na-
talem, aut similem lætitiam repente indici
solitæ, cuiusmodi ferias indicere proprium
esse principis dicitur, in l. à nullo. C. h. t. Con-
veniunt autem hæ feriae cum sacris & aliis,
quæ ob publicam causam instituuntur, in
hoc, quod partes jis renuntiare nequeant.
Vide *Azor. tom. 2 l. i. c. 27. q. 1.*

Nota III. Si Episcopus festum speciale
præcipere velit, non tantum Clerici, sed etiam
populi consensum requirere debet spe etate
communi jure.

TITVLVS X. DE ORDINE COGNITIONVM.

RÆSTI TO juramento calum-
niæ, & datis dilationibus ad re-
spondendum, frequenter Reus
vicissim aliquid objiciens, quæ-
stionem mouet, seu per modum
actionis, seu & quideam frequentius per mo-
dum exceptionis, quare dubitari potest,
num de his objectis prius cognosce-
dum sit, quam ulterius super ne-
gotio principali.

* * *

CAPITVLVM I.

Intelleximus.

P A R A P H R A S I S.

Mulier quædam virum sibi coram Ecclesi-
stico judice petebat, testes introducens,
quod cum eo matrimonium contraxisset,
vir autem metuens ne testium depositio-
nibus convinceretur, exceptionem con-
sanguinitatis obiecit, hoc casu dubitatum
fuit,